

Broj: JN-02-01-3/23
Datum: 08.03.2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14 i 59/22) i člana 29. Pravilnika o javnim nabavkama JKP „Vodovod i Kanalizacija“ d.o.o. Sanski Most, na preporuku Komisije za javnu nabavku u otvorenom postupku za nabavku PVC i PE cijevi, direktor JKP „Vodovod i Kanalizacija“ d.o.o. Sanski Most dana 08.03.2023. godine, donosi

ODLUKU
o izboru najpovoljnijeg ponuđača

I

Prihvata se preporuka Komisije za javnu nabavku (Zapisnik o ocjeni ponuda, broj JN-02-01-3/23 od 07.03.2023. godine) i ugovor za nabavku PVC i PE cijevi dodjeljuje se ponuđaču „VODOSKOK“ d.o.o. Tomislavgrad, ponuda broj 05/23 od 10.02.2023. godine, kao najbolje ocijenjenom ponuđaču.

Ukupna vrijednost ponude bez PDV-a iznosi 104.888,92 KM.

II

Ponuđač koji je izabran kao najbolje ocijenjen, dužan je u roku od deset (10) dana od dana zaprimanja Odluke o izboru najpovoljnijeg ponuđača, dostaviti dokaze tražene tačkom 11. tenderske dokumentacije.

III

U skladu sa tačkom 20. tenderske dokumentacije ponuđač „VODOSKOK“ d.o.o. Tomislavgrad dužan je dostaviti novi Obrazac za cijenu ponude (Specifikacija/Tehničke karakteristike) koji će da odražava smanjene cijene iz E-aukcije u roku od 10 dana od dana prijema ove Odluke.

IV

Prijedlog ugovora o nabavci dostaviti će se na potpis izabranom ponuđaču „VODOSKOK“ d.o.o. Tomislavgrad, po isteku roka od 15 dana, računajući od dana kada su svi ponuđači obavješteni o izboru najpovoljnije ponude.

V

Ova Odluka objaviće se na WEB –stranici ugovornog organa www.vik-sm.ba istovremeno s upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

VI

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke, broj JN-02-01-3/23 od 03.02.2023. godine i Obavještenja o nabavci objavljenog na portalu Agencije za javne nabavke, broj 925-1-1-6-3-2/23 dana 03.02.2023. godine, pokrenut je otvoreni postupak za nabavku PVC i PE cijevi.

Tendersku dokumentaciju ponuđači su mogli preuzeti samo putem Portala Agencije za javne nabavke.

Komisija za javnu nabavku ugovornog organa, imenovana Rješenjem direktora JKP „Vodovod i kanalizacija“ d.o.o. Sanski Most, broj: JN-02-01-3/23 od 20.02.2023. godine je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su ukupno zaprimljene 3 (tri) ponude
- da su blagovremeno zaprimljene 3 (tri) ponude i
- da nije bilo neblagovremeno zaprimljenih ponuda

Ponude su blagovremeno dostavili sljedeći ponuđači:

1. „VRHPOLJE PROMET“ d.o.o. Sanski Most
2. „HIDRO TERMO CENTAR,, d.o.o. Sarajevo
3. „VODOSKOK“ d.o.o. Tomislavgrad

Komisija za javnu nabavku ugovornog organa izvršila je otvaranje, pregled i ocjenu blagovremeno zaprimljenih ponuda i utvrdila da su ponude ponuđača „HIDRO TERMO CENTAR,, d.o.o. Sarajevo i „VODOSKOK“ d.o.o. Tomislavgrad prihvatljive, te da mogu učestvovati u daljem postupku javne nabavke. Ponudu ponuđača „VRHPOLJE PROMET“ d.o.o. Sanski Most Komisija je ocijenila kao neprihvatljivu iz sljedećih razloga:

Tačkom 11. tenderske dokumentacije „Uslovi za kvalifikaciju“ traženo je da se dostavi izjava o ispunjenosti uslova iz člana 45. stav (1) tač. a) do d) Zakona (Aneks IV) a tačkom 13. podtačka e) tenderske dokumentacije traženo je da se dostavi izjava o sukobu interesa iz člana 52. Zakona (Aneks V). Ponuđač „VRHPOLJE PROMET“ d.o.o. Sanski Most je dostavio navedene izjave ali iste nisu ovjerene od strane nadležnog organa.

Tačkom 12.1. podtačka aa) tenderske dokumentacije ponuđač je, u svrhu dokazivanja tehničke i profesionalne sposobnosti, bio dužan dostaviti Spisak o izvršenim ugovorima u posljednje tri (3) godine od kojih je najmanje jedan (1) ugovor uspješno izvršen, a čija je ukupna vrijednost nabavke jednaka minimalnom iznosu procijenjene vrijednosti predmetne nabavke, uz potvrdu koju izdaje druga ugovorna strana o njihovoj uspješnoj realizaciji. Izuzetno ukoliko se takve potvrde ne mogu dobiti od ugovorne strane koja nije ugovorni organ, vrijedi izjava ponuđača o uredno izvršenim ugovorima uz predočavanje dokaza o učinjenim pokušajima da se takve potvrde osiguraju.

Ponuđač je dostavio izjavu o izvršenim poslovima gdje su samo pobrojani nazivi tri subjekta a nije dostavljen dokaz o učinjenim pokušajima da se potvrde o uredno izvršenim ugovorima osiguraju.

Takođe, ponuđač nije dostavio dokumentaciju traženu tačkom 12.1. podtačka b), d) i e) odnosno nije dostavljena izjava o dostavljanju atesta prilikom isporuke robe, potvrda o zdravstvenoj ispravnosti PVC i PE cijevi izdane od strane ovlaštenih institucija EU (kopija), dokaz da proizvođač cijevi vrši ispitivanje u laboratoriji ovlaštene od strane akreditirane agencije EU (kopija ugovora sa neovisnim laboratorijama, potvrda i sl.).

Komisija je dalje utvrdila da ponuđena cijena ponuđača „VRHPOLJE PROMET“ d.o.o. Sanski Most prelazi planirana, odnosno osigurana novčana sredstva ugovornog organa za nabavku. Procijenjena vrijednost predmetne nabavke iznosi 130.000,00 KM bez PDV-a dok je navedeni ponuđač ponudio cijenu u iznosu od 152.355,00 KM bez PDV-a.

U tenderskoj dokumentaciji u tački 22. je traženo: Period važenja ponude ne može biti kraći od 90 dana računajući od isteka roka za podnošenje ponuda. Ponuđač „VRHPOLJE PROMET“ d.o.o. Sanski Most je naveo da ponuda važi 30 dana odnosno do 23.03.2023. godine što nije u skladu sa uslovima tenderske dokumentacije, te je kao takva i nepravilna.

Radi navedenog Komisija za javnu nabavku je stava da je ponuda „VRHPOLJE PROMET“ d.o.o. Sanski Most neprihvatljiva i nepravilna jer ne ispunjava uslove tražene tenderskom dokumentacijom.

U skladu sa tačkom 20. tenderske dokumentacije zakazana je i provedena e-Aukcija u sistemu e-nabavke u skladu sa Pravilnikom o uslovima i načinu korištenja e-aukcije („Službeni glasnik BIH“, broj 66/16).

E-Aukcija je zakazana za dan 06.03.2023. godine sa početkom u 13:15 sati.

JKP «VODOVOD I KANALIZACIJA» DOO

Meše Selimovića bb
79260 Sanski Most
Tel/Fax.: 037/685-067
Tel/Fax.: 037/682-198

ID Broj: 4263417280001
ID Broj PDV: 263417280001
Matični registarski broj: 1-5248-00
Sud. Reg.: U/I-27/05
Upisan kod: Općinski sud Bihać
Porezni djelovodni broj: 11421139
1990440003144935 Sparkasse Bank
3385402200805836 UCB

Komisija je utvrdila rang listu prihvatljivih ponuda prema kriteriju za izbor ponude prije provedene e-aukcije, kako slijedi:

	Naziv i ime ponuđača	Ponuđena cijena (bez PDV-a) u KM
1.	„HIDRO TERMO CENTAR,, d.o.o. Sarajevo	129.977,08
2.	„VODOSKOK“ d.o.o. Tomislavgrad	129.979,86

Nakon okončane e-aukcije Komisija je konstatovala da je došlo do promjene cijena u odnosu na početne, te je utvrdila konačnu rang listu ponuđača, kako slijedi:

	Naziv i ime ponuđača	Ponuđena cijena (bez PDV-a) u KM
1.	„VODOSKOK“ d.o.o. Tomislavgrad	104.888,92
2.	„HIDRO TERMO CENTAR,, d.o.o. Sarajevo	105.018,89

Na osnovu preporuke Komisije ugovorni organ je ocijenio da je najpovoljnija ponuda, na osnovu kriterija „najniža cijena“, ponuda „VODOSKOK“ d.o.o. Tomislavgrad, sa ukupnom cijenom ponude u iznosu od 104.888,92 KM bez PDV-a.

U postupku donošenja ove odluke, posebno su cijenjene činjenice da je Komisija pravilno i potpuno ocijenila kvalificiranost ponuđača, te ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, direktor JKP „Vodovod i Kanalizacija“ d.o.o. Sanski Most nije našao razloge nepravilnosti kao ni propuste u radu, koji bi bili osnov neprihvatanja preporuke Komisije za javnu nabavku. Naime, u postupku je ocijenjeno da je Komisija postupila pravilno i da je postupak izbora najpovoljnijeg ponuđača proveden u skladu sa Zakonom o javnim nabavkama, podzakonskim aktima i tenderskom dokumentacijom.

Iz naprijed navedenih razloga, primjenom člana 64. stav (1) tačka b) Zakona o javnim nabavkama BiH, odlučeno je kao u dispozitivu ove odluke.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH, Filijala Mostar, putem ugovornog organa, u roku od deset dana od dana prijema ove odluke.



Direktor

mr. sci. Mensur Islamović, dipl. pravnik

Dostaviti:

1. „VODOSKOK“ d.o.o. Tomislavgrad, Novi Kolodvor bb, p.p. 27, Tomislavgrad
2. „Hidro-Termo Centar“ d.o.o. Sarajevo, ul. Kurta Schorka 11, Ilidža
3. „VRHPOLJE PROMET“ d.o.o. Sanski Most, ul. Bulevar VII Korpusa L-2E, Sanski Most
4. a/a